

# Katesismo sa pagtulon-an sa MABCAM

## **1. Kinsay gamhanan sa tanan?**

a) Ang Dios ang gamhanan sa tanan. (Genesis 17:1)

## **2. Aduna bay daghang Dios?**

a) Wala. Usa ray Dios nga nagbuhat sa tanan.  
(Deuteronomio 6:4)

## **3. Pila ka personas ang anaa sa Dios?**

a) Tulo ka personas ang Dios: Amahan, Anak ug Balaang Espiritu. (Mateo 28:19)

## **4. Tulo ba ka Dios ang Amahan, Anak ug Balaang Espiritu?**

a) Dili. Usa ra ka Dios silang tulo. (Marcos 12:29)

## **5. Aduna bay sinugdanan sa Dios?**

a) Wala. Sa sinugdanan diha nang daan ang Dios.  
(Genesis 1:1)

## **6. Aduna bay katapusan sa Dios?**

a) Wala. Bisan kung mahuman ang tanan, magpabilin ang Dios. (Salmo 10:16)

## **7. Gihimo ba sa Dios ang tanan?**

a) Oo. Gihimo niya ang tanan nga anaa sa langit ug sa kalibutan. (Buhat 4:24)

## **8. Aduna bay butang nga wala niya himoa?**

a) Wala. Gihimo niya ang tanang butang. (Juan 1:3)

## **9. Kinsay angay natong dayegon?**

a) Ang Dios ray atong dayegon. (Mateo 4:10)

## **10. Kinsay atong alagaran?**

a) Ang Dios ray atong alagaran. (Lukas 4:8)

## **11. Kinsa si Jesus Kristo?**

a) Si Jesus Kristo mao ang Anak sa Dios. (Marcos 1:1)

## **12. Dios ba si Jesus Kristo?**

a) Oo, Dios si Jesus Kristo. (Filipos 2:5-6)

## **13. Nahimo bang tawo si Jesus Kristo?**

a) Oo, natawo si Jesus Kristo. (1 Juan 4:2)

- 14. Kinsa ang iyang inahan?**  
a) Si Maria ang iyang inahan. (Mateo 1:16)
- 15. Aduna ba siya'y amahan sa pagkatawo niya?**  
a) Wala. Natawo lamang siya pinaagi sa gahom sa Balaang Espiritu. (Mateo 1:20)
- 16. Kinsa diay si Jose nga giila nga amahan niya?**  
a) Si Jose ang bana ni Maria, apan wala niya hilabti si Maria sa wala pa natawo si Jesus. (Mateo 1:24-25)
- 17. Nag-unsang si Jesu Kristo sa natawo na siya?**  
a) Sa dako na si Jesus, gitudloan niya ang mga tawo mahitungod sa gingharian sa Dios. (Mateo 4:17)
- 18. Kinsa ang mga tinun-an ni Jesus?**  
a) Daghan ang iyang tinun-an apan adunay 12 nga iyang gipili nga mga apostoles. (Lukas 6:13)
- 19. Namatay ba si Jesus Kristo?**  
a) Oo, human sa tulo ka tuig nga pagtudlo gipatay siya. (Lukas 23:46)
- 20. Unsi matang sa kamatayon ang nahiagoman niya?**  
a) Gilansang si Jesus sa krus. (Juan 19:18)
- 21. Unsi sala o crimen niya nganong gilansang siya sa krus?**  
a) Wala siya'y sala o crimen nga gihimo. (Hebreo 4:15)
- 22. Unsi hinungdan sa kamatayon ni Kristo?**  
a) Namatay siya puli kanato, alang sa atong mga sala. (1 Corinto 15:3)
- 23. Gilubong ba si Jesus Kristo human siya namatay?**  
a) Oo, gibutang siya sa usa ka lubnganan. (Juan 19:41-42)
- 24. Nagpabilin ba si Jesus Kristo sulod sa lubnganan?**  
a) Wala. Sa ikatulong adlaw nabanhaw siya. (1 Corinto 15:4)
- 25. Human siya nabanhaw, unsi iyang gibuhay?**  
a) Human siya nabanhaw mipakita siya sa iyang mga tinun-an. (Juan 20:19)

- 26. Human niana, nagpabilin ba siya sa kalibutan?**  
a) Wala, human sa 40 ka adlaw gikayab siya ngadto sa langit. (Buhat 1:3,9)
- 27. Hain na ba si Jesus Kristo karon?**  
a) Atua si Jesus Kristo sa Langit nga naglingkod sa tuo sa iyang Amahan. (Marcos 16:19)
- 28. Aduna bay adlaw nga mobalik si Jesus Kristo sa kalibutan?**  
a) Oo, adunay adlaw nga mobalik si Jesus Kristo sa kalibutan. (Buhat 1:11)
- 29. Kanus-a siya mobalik?**  
a) Wala ta masayod kung kanus-a siya mobalik. (Mateo 24:36)
- 30. Unsay iyang buhaton kung mobalik siya?**  
a) Kung mobalik si Jesus Kristo, hukman niya ang kalibutan. (Buhat 17:31)
- 31. Kinsay iyang hukman inig balik niya?**  
a) Hukman niya ang tanang tawo nga buhi pa, lakip ang mga namatay na. (Judas 1:15)
- 32. Aduna bay Balaang Espiritu?**  
a) Oo, adunay Balaang Espiritu. (Buhat 1:5)
- 33. Kinsay nagpadala sa Balaang Espiritu nganhi kanato?**  
a) Ang Dios nga Amahan ug ang Dios nga Anak mao ang nagpadala kaniya nganhi kanato. (Juan 15:26)
- 34. Unsay trabaho sa Balaang Espiritu?**  
a) Duha ang iyang trabaho. Una, magtudlo siya kanato kung unsay angay natong buhaton, ikaduha, tabangan kita niya sa pagbuhat ug maayo. (Juan 16:13, Galatia 5:22-23)
- 35. Unsa man ang Bibliya?**  
a) Ang Bibliya mao ang pulong sa Dios. (2 Timoteo 3:16)

**36. Kinsay nagsulat sa Bibliya?**

- a) Ang Bibliya gipasulat sa Dios pinaagi ug mga tawo.  
(2 Pedro 1:21)

**37. Makasaligan ba ang nahisulat sa Bibliya?**

- a) Oo, makasaligan ang nahisulat sa Bibliya kay ang Dios ang nagpasulat. (Tito 1:9)

**38. Nakasala ba ang mga tawo?**

- a) Oo, nakasala ang tanang tawo batok sa Dios. (Roma 3:23)

**39. Aduna bay silot sa sala?**

- a) Oo, ang silot sa sala mao ang kamatayon. (Roma 6:23)

**40. Husto ba kung silotan kita sa Dios?**

- a) Oo, husto ang Dios kung silotan kita. (1 Pedro 2:23)

**41. Ngano man nga husto kung silotan kita sa Dios?**

- a) Husto man, kay matarong ang Dios ug angay niyang silotan ang tanang matang sa kadaotan.  
(Habakuk 1:13)

**42. Unsa-on man nga ang tawo makalikay sa silot sa sala?**

- a) Malikayan ang silot sa sala kung ang tawo motuo kang Jesus Kristo. (Efeso 2:8)

**43. Unsa pa ang kinahanglan buhaton sa tawo?**

- a) Kinahanglan nga ang tawo mobasol sa iyang mga sala ug mangayo ug pasaylo diha sa Dios. (Buhat 3:19)

**44. Kung motuo ang tawo ug mobasol sa iyang mga sala, unsay mahitabo kaniya?**

- a) Kung motuo ang tawo kang Jesus Kristo ug mobasol sa iyang mga sala, nan pasayloon siya sa Dios. (1 Juan 1:9)

**45. Kung pasayloon siya sa Dios, unsay mahitabo sa tawo?**

- a) Kung pasayloon siya sa Dios, hatagan siya ug kinabuhi nga walay kinutoban. (Juan 3:16)

- 46. Unsay mahitabo sa tawo kung mobalik si Jesus Kristo sa kalibutan?**
- a) Mobangon ang tanang tawo gikan sa kamatayon ug ang mga mituo kaniyo batunon niya ngadto sa langit. (Juan 6:40)
- 47. Unsay mahitabo sa mga wala motuo kang Jesus Kristo?**
- a) Silotan ang mga wala motuo kang Jesus Kristo. (Juan 3:18)
- 48. Unsay silot nga ihampak kanila?**
- a) Ang silot nga ilang dawaton mao nga itambog sila ngadto sa lanaw sa kalayo nga dili mapalong hangtod sa kahangtoran. (Mateo 25:41)
- 49. Kinsa man ang kalaban sa Dios?**
- a) Si Satanang mao ang kalaban sa Dios, kauban sa iyang mga sakup nga mga demonyo. (1 Juan 3:8)
- 50. Nganong nahimong mga kalaban sa Dios ang mga demonyo ug si Satanang?**
- a) Nahimo silang kalaban sa Dios tungod kay gisupak nila ang kabubut-on sa Dios. (Isaias 14:14)
- 51. Unsay nahitabo kanila sa pagsupak nila sa Dios?**
- a) Pagsupak ni Satanang sa Dios, giabog siya sa Dios gikan sa langit nganhi sa kalibutan. (Pinadayag 12:9)
- 52. Unsay mahitabo kang Satanang ug sa mga demonyo sa katapusang hukom sa Dios?**
- a) Sa katapusang hukom sa Dios, itambog ang mga demonyo ug si Satanang ngadto sa lanaw sa kalayo nga dili mapalong hangtod sa kahangtoran. (Pinadayag 20:10)